



ԵՐԵՎԱՆԻ ՔԱՂԱՔԱՊԵՏԱՐԱՆ

ՀՀ, 0015, ք. Երևան, Արգիշտիի 1

№07/92768-22

ՔԱՂԱՔԱՑԻ ՍԻՄԱԿ ԳԵՎՈՐԳՅԱՆԻՆ

(Գեղարքունիք, Աստղածոր Բաղրամյան փ. 2)

Հարգելի՛ Սիմակ Գևորգյան,

Ի պատասխան Ձեր 16.05.2023 թվականի հ. Դ-57145-23 դիմումի հայտնում եմ, որ «Առևտրի և ծառայությունների մասին» օրենքի 5²-րդ հոդվածի 5-րդ մասի համաձայն՝ Երևան համայնքի վարչական տարածքում ցանկացած տեսակի տրանսպորտային միջոցից և (կամ) դրանց կցորդներից ցանկացած ապրանքի վաճառք իրականացնելը կամ որևէ ծառայություն մատուցելը, բացառությամբ օրենքով նախատեսված դեպքերի, արգելվում է::

Իրավահարաբերության ծագման պահին գործող խմբագրությամբ վարչական իրավախախտումների վերաբերյալ օրենսգրքի 169.16-րդ հոդվածի 17-րդ մասի համաձայն՝ Երևան համայնքի վարչական տարածքում ցանկացած տեսակի տրանսպորտային միջոցից և (կամ) դրանց կցորդներից, բացառությամբ օրենքով նախատեսված դեպքերի, ցանկացած ապրանքի վաճառք իրականացնելը կամ ծառայություն մատուցելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Վերոգրյալ իրավանորմերի համակարգային վերլուծությունից բխում է, որ այն դեպքում, երբ անձը համայնքի տարածքում տրանսպորտային միջոցից և (կամ) դրա կցորդներից իրականացնում է ապրանքի վաճառք կամ մատուցում է ծառայություն, ապավերջինս նկատմամբ կիրառվում է վարչական իրավախախտումների վերաբերյալ օրենսգրքի 169.16-րդ հոդվածի 17-րդ մասով նախատեսված պատասխանատվության միջոցը:

Միաժամանակ հայտնում եմ, որ իրեն պատկանող ավտոտրանսպորտային միջոցը հանձնելով այլ անձի սեփականատերը կրում է այդ ավտոտրանսպորտային միջոցի ոչ իրավաչափ օգտագործման արդյունքում առաջ եկող բացասական հետևանքների ռիսկը:

Վերոգրյալով պայմանավորված հարկ է արձանագրել, որ առկա չէ իրավական հիմք Ձեր նկատմամբ 21.02.2023 թվականին կայացված «Վարչական տույժ նշանակելու մասին» թիվ Վ-7/44 որոշումը բեկանելու համար:

5/29/2023

X 

ԱՐԱՄ ՄԱՐՏԻՐՈՍՅԱՆ

Signed by: MARTIROSYAN ARAM 1310890994

ՀԱՐԳԱՆՔՈՎ՝

ԻՐԱՎԱԲԱՆԱԿԱՆ ՎԱՐՉՈՒԹՅԱՆ

ՊԵՏԻ ՏԵՂԱԿԱԼ

ԱՐԱՄ ՄԱՐՏԻՐՈՍՅԱՆ

Կատարող՝ Ա. Գաբրիելյան
Աշխատակազմի իրավաբանական վարչություն
Հեռ.011 514-005 (684)